

Tushuntirishlar tarkibi

91. Moliyaviy hisobotlarga tushuntirishlar tizimli ravishda tushuntirish xati ko‘rinishida taqdim bo‘lishi kerak.

Tushuntirishlardagi axborot moliyaviy hisobotda keltirilgan tegishli moddalarga havola etilgan holda taqdim etilishi lozim.

92. Tushuntirish odatda shunday tuziladiki, u foydalanuvchiga moliyaviy hisobotlarni yaxshiroq tushunishga va ularni boshqa xo‘jalik yurituvchi sub’yektlarning moliyaviy hisoboti bilan quyidagicha qiyoslashiga yordam beradi:

92.1. Buxgalteriya hisobining milliy standartlariga muvofiqligi haqidagi hisobot;

92.2. O‘lchov asosi va buxgalteriya hisobida qo‘llanilayotgan siyosat to‘g‘risidagi hisobot;

92.3. Moliyaviy hisobotlarda keltirilgan moddalar uchun yordamchi axborot;

92.4. Quyidagilarni o‘z ichiga olgan boshqa yoritib berishlar:

92.4.1. Shartli majburiyatlar, oddiy majburiyatlar va boshqa moliyaviy yoritib berishlar;

92.4.2. Moliya bilan bog‘liq bo‘lmagan yoritib berishlar.

93. Moliyaviy hisobotlarni tayyorlash asosi va buxgalteriya hisobi bobidagi maxsus siyosat haqidagi axborot moliyaviy hisobotga izohlar oldidan alohida hisobot ko‘rinishida taqdim etilishi kerak.